



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conferentiæ Theologico Morales

Compendiosè propositæ ac breviter resolutæ Ad Usum Directorum
Conferentiarum Hebdomadalium ... DD. Parochorum, Curatorum,
Confessariorúmque omnium


Ex Materia Septem Sacramentorum Atque Justitiæ De Restitutione
Excerptæ

Sargar, Elisaeus

Augustæ Vindelicorum, 1720

Dedicatio.

urn:nbn:de:hbz:466:1-41194



DEDICATIO.

DIco (inquam) Dedico at-
que humillimè consecro
hasce Conferentias meas
Theologico - morales ,
CELSITUDINI VEST-
RÆ REVERENDISSIMÆ ac GRATIO-
SISSIMÆ: At cur eum tanto Numero-
rum numero ? fortè ut optem vestram
tot annis vitam felicem prolongari ? non
erraret, qui hoc putaret : aut quia fors
cum Pythagoricis Cabalisticis mihi per-
suadeo, in numeris omnes (bonæ, ma-
læve fortunæ) eventus contineri ? ajunt
namq; si v. g. scire desideras Nati alicu-
jus Dominatricem stellam, computa no-

DEDICATIO.

men ejus & utriusque Parentis, per singulas litteras juxta numeros præscriptos; collectamque totius summam divide per novenarium, subtrahendo eum quoties potueris; & si remanserit unitas aut quaternarius, uterque *Solem* indicat; si verò binarius aut septenarius, uterque *Lunam* designat: sicuti ternarius *Jovem*: Quinarius *Mercurium*: Senarius *Venerem*: Octonarius *Saturnum*. Novenarius *Martem*. At quis has ineptias credat? Non certè intendo stulta Arabum deliramenta ac magica amuleta ad infallibiles, & superstitiosos numerorum effectus investigare; & quasi aliquid humanis rebus sublimius sub ipsis recondatur, comprobare; quæ sunt Magicæ artis prima Rudimenta turpis Characterolatria, nefandaque Ægyptiorum Dæmonolatria. Quid ergo mihi tandem cum tot numeris: multum sanè per omnem modum; An non enim Sac. Script. testatur, Deum omnia in Numero, Pondere & Mensura creasse? an non in Apocalypsi S. Joan. 13. de Antichristo dicitur: Et erit Numerus

DEDICATIO.

merus Bestiæ sexcenta sexaginta sex? an non omnibus constat, SS. PP. ita oblectatos fuisse mysticâ numerorum ratione, ut ubicunque occasio sese obtulerit, veluti præpinguia pascua adepti, ut ijs quàm citissimè interpretandis ingenia sua maximè exercuisse visi sint? neque mirum id cuiquam videri debet: cum enim Numerorum vis & natura nulli non argumento se immisceat, nullum dubium esse debet, quin sub ijs lateat, nescio quid Divinæ naturæ proximum, & intellectuâli ita à natura insitum, ut si Numerum ab ea sustuleris, naturam destruxisse videaris.

Enimvero Cœlum; Terra, Elementa & quidquid tandem in Angelico, humano, sydereo & elementari mundo concinnum & harmonicum est, id totum Numerorum rationibus, sub multiplici sensuum analogia, subijcitur. Quis nescit, Christum Redemptorem nostrum plerâsq; suas Parabolas sub mysticis numerorum allegoriis adornâsse, ut sensatis essent lumen veritatis; insen-

DEDICATIO.

fatis autem cæcitatibus caligo? Cùm igitur in præfenti Conferentiarum opusculo præcipuè conferatur de quotidianis eventibus ex materia septem Sacramentorum novæ legis emergi solitis, utpote septenario Numero Sacramentorum, adumbrato vel in prima sex dierum rerum omnium creatione, & Sabbato seu septimæ requietione, adumbrato in septem Spiritibus, qui in conspectu Dei perpetuò divinas contemplantur Ideas, quorum præsidio septem planetarum sidera ad universi bonum reguntur, gubernanturque: adumbrato in septem stellis firmamenti in septem Metallorum specibus, subterraneis: in septem Microcosmi exterioris membri principalibus (puta capite, cervice, pectore, manibus, ventre, inguine, pedibusque) in septem itidem interioris vasis vitæ (cerebro, corde, stomacho, liene, jecore, pulmone & renibus) præfigurato denique per septem dona Spiritus sancti, qui per septem misericordiae opera influit in animas, quæ corroboratæ in consortium
DEI

DEDICATIO.

DEI admissæ, eò, unde fluxerunt, re-
vertuntur. Quidni ergo *CELSITU-
DINI VESTRÆ REVERENDIS-
SIMÆ & GRATIOSISSIMÆ*
dicandæ ac consecrandæ fuerint Con-
ferentiæ isthæc Theologico - morales,
ex materia de septem Sacramentis ex-
cerptæ atque compilatæ per numeros?
quippe cui dignè & jure merito con-
creditum est, feliciterque gubernan-
dum Ducale ac Perillustre Archiste-
rium Campidunense, in quo copiosè
administrantur septem Ecclesiæ Sacra-
menta, tum intra, tum extra per inte-
gerrimum Principatum. Et vel ety-
môn ipsum *Conferentia* me ad id com-
movere debuit: quid enim aliud est
Conferentia, quàm Confer Entia? En-
tia autem constat esse bona tempora-
lia, quibus *CELSITUDO VESTRÆ
REVERENDISSIMÆ* per innatam
sibi sapientissimam Providentiam auget
Ducatum suum & Principatum Campi-
dunensem; ut proinde vel ex hoc ipso
merito Ei debeantur *Conferentia* isthæ
Theo-

DEDICATIO.

Theologico - morales ; tum etiam & vel maximè proptet rem significatam : significat enim *Conferentia* Concilium prudens Doctiorum ; inter quos *Celsitudo Vestra Reverendissima & Illustrissima* meritò Præsidis locum obtinet ; utpote & sacrosanctæ Theologiæ , & juris utriusque scientiâ apprimè imbuta , ut nemo cum ea conferre audeat , nisi vinci velit ; adeò ut truncato capite *Conferentia* , quod est *Confer* , ejusque loco posito *sci* , infallibiliter sequantur *Scientia* ; & quid dicam *Scientia* ? imò & *Conscientia* , si *Confer* commutetur in *Consci* : tunc enim profectò non tantùm *Scientia* sunt **CELSITUDINI VESTRÆ GRATIOSISSIMÆ** , eaque insignes ; Verùm etiam *Conscientia* tum propriæ , tum alienæ cura indefessa. Quidni igitur præ aliis **CELSITUDINI VESTRÆ REVERENDISSIMÆ** terque quaterque , hoc est septies , obligatæ sint meæ *Conferentia* ? Quippe Cui & Nomen , & Omen ante cæteros correspondet ; & five spectantur

tur

DEDICATIO.

& tur ut jacent; sive permutentur parum-
um: per, ita ut *Conferentia* convertatur in
um *Entia*, *scientia* & *conscientia*, per om-
itu- nia **CELSITUDINIS VESTRÆ** de-
ima prehendantur esse, & sunt isthæ
oo- **Theologico-morales Conferentiæ.**



FAE